

Fra: Jan Tørres Nordstrand
Sendt: 13. desember 2018 07:28
Til: KR-Postmottak
Emne: Ny kyrkjeordning - Høyring

Kyrkerådet

Høyingsvar ny kyrkjeordning frå Austevoll sokneråd/fellesråd
Saka vart handsama i møte 11.12.18 og det vart gjort slikt samrøystes vedtak:

Høyring- kyrkjeordning for Den norske kyrkja

Austevoll sokneråd/fellesråd har følgjande merknader/synspunkter på høyringsutkastet til kyrkjeordning for Den norske kyrkja.

Kapittel 1. Den norske kyrkja sitt grunnlag

§ 1 Kyrkja sitt læregrunnlag

I gjeldande kyrkjelov §1 heiter det:

«Formålet med loven er å legge til rette forholdene for et aktivt engasjement og en stadig fornyelse i de avangelisk-lutherske folkekirke».

Denne føremålsparagrafen bør vidareførast.

§ 4 Den norske kyrkja sitt oppdrag

Her bør det supplerast med at kyrkja også har eit viktig samfunnsengasjement. Paragrafen bør også tydeleggjera at kyrkja i utføringa av sitt oppdrag også søker samarbeidar med frivilljuge organisasjonar og lokale aktører.

§ 6 Organisering av Den norske kyrkja

Paragrafen pressiserer at styring og leiing «skjer etter demokratiske prinsipper» og at dette «skjer på alle nivåer i et samvirke mellom valgte representanter, kirkens medlemmer og representanter for Ord og sakrament».

I prosessen med ny kyrkjeordning synest det som om at det er «demokratiet» som er normen i Den norske kyrkja og ikkje Ordet/Bibelen, som kyrkja er tufta på. Dette opplevest som urovekkjande. Ordet og den evangeliske lutherske lære som rettesnor for Den norske kyrkja må koma klårt fram i ordninga.

Kapittel 2. Kyrkjeleg inndeling, kyrkja sine organ, medlemskapkyrkjelege registre og kyrkjeleg stemmerett.

§ 11. Tilhørighet og medlemskap

Her er ei endring i forhold til dagens vedtekter om kven som er lokal kyrkjebokfører. Vedtekta er endra frå «kirkebokføreren på bostedet» til «prest med ansvar for inn- og utmeldinger i vedkommende sokn».

Dette er ei unødvendig endring, som om prestane ikkje har nok å gjera på.

Dagens vedtekt bør vidareførast.

Kapittel 3. Virksomheten i soknet. Soknets organer og deres oppgavefordeling m.m.

§ 17. Uttreden av menighetsrådet i valgperioden.

Vedtaket om uttreden bør også kunna skje på grunnlag av seksuelle krenkelsar eller vold som er utført i tilknytning til verv eller teneste for soknerådet. Her bør vedtektene utvidast med henvisning til dei vedtekter som vert lagt til grunn i § 29 i politiregisterlova om barneomsorgsattest.

Kapittel 4. Kirkebygg

§ 28 Forvaltningen av kirkene og begrensning av rådighet.

Ei kyrkjeordninga bør klargjera kva som er kyrkjemøtet si grense for myndighetsutøvelse i forhold til sokna. Ei slik klargjering bør vera klar før kyrkjemøte vedtek ordninga.

Kapittel 5. Regionale og sentrale organer.

§ 39 Bispemøtet

§ 39 legg m.a. økt vekt på Bispemøtet som kollegialt tilsynsorgan. Dette kan tolkast slik at Bispemøtet, i større grad enn i dag kan binda einskilde biskopar i teologiske spørsmål. Biskopen sitt personlege tilsynsansvar for å tolka den evangelisk lutherske lære har lang tradisjon i Den norske kyrkja og bør ikkje endrast.

Vedteketeane om bispemøte i kyrkjeordninga § 39 bør vidareførast slik dei er i dag i kyrkelova § 26

Kapittel 6. Forskjellige bestemmelser

§ 48 Adgang til å oppstille medlemskap i Den norske kirke for tilsatt og ombud.

Formuleringa som vert tilrådd er uklar og vil vera vanskeleg å anvenda i stillingar der eit medlemskapskrav vil vera sakleg begrunna i forhold til leiarstillingar og stillingar som er avgjerande for å tydeleggjera føremålet til Den norske kyrkja.

§ 47 fyrste del andre ledd bør endrast.

Ved tilsetjingar i Den norske kyrkja som er avgjerande for å tydeleggjera Den norske kyrkja sitt føremål, skal det setjast krav til medlemskap i Den norske kyrkja, slik det er høve til i likestillings- og diskrimineringslova § 30. Eit slikt krav må koma klar fram i utlysinga av stillinga.